



CAS DI FRÈRE, J.E. IRAUSQUINPLEIN 4, ORANJESTAD

E Cas di Frère aki, dedica e tempo ey na San Francisco di Assisi, a keda realisa na 1914-1915. E tabata originalmente destina como vivienda pa e Frèrenan di Zwijsen, miho conoci bou di e nomber Frèrenan di Tilburg. Frère Radulphus (Adrianus Hermus, 1869-1961) tabata e arkitecto y Frère Gerontius a guia e construccion. Den pasado e parti dilanti tabatin un structura mas habri cu awo, door di e cantidad di obra di palo cu e tabatin.

Entre e Cas di Frère y Dominicusschool (Sint Dominicus College) situa banda di dje a construi un rembak como connexion entre e dos edificionan. Na banda di e patio cu un esfera intimo tin pilar pisa cu ta carga un pasada cu ta bay rond. E pasada tin poste gigantesco cu heki di hero dorna memey di nan.

E cambernan di e frèrenan tabata situa tanto na e piso abou como na esun ariba. Un tempo e espacionan aki a sirbi como cambernan priva di e grupo di frère De la Salle, cu tabata bini pa duna les. Den algun di e cambernan chikito tin ainda algun wasbak chikito y detaye simpel cu ta recorda nos nan funcion original.



Riba 11 di februari 1946 Pasto Bartel a bendiciona e kapel dedica na Santa Maria de Perpetuo Succursu.

Na juli 1950 e frèrenan a celebra nan hubileo di koper na Aruba. Pa e ocasion aki e comunidad Arubano a ofrece nan dos bentana arma den chumbo cu pintura graba riba glas pa e kapel. Na banda robes por mira e imagen di Santa Maria de Perpetuo Succursu y na banda drechi e imagen di San Juan

Bautista de la Salle. E bentanan ta traha pa e artista di glas Jaap J. van Staveren di Dortsche Glashandel na Dordrecht.

A ubica Universidad di Aruba den e Cas di Frère, despues cu esaki a wordo bendi na december 1987. Riba 9 di december 1988 e promer apertura solemne di e aña academico a tuma luga den e kapel cu a wordo transforma den un aula. Desde e tempo ey e cambernan di e frèrenan ta sirbi como oficina pa docente.